

Dornskridoù Milin : Kanaouennoù

29. (AR BREUR 'HAG AR C'HOAR)

- Debonjour tud an ti-man,
 ar vinorez peleac'h eman ?
 - Mar deo va merc'hed a glasket,
 pignet d'an neac'h hag ho c'hafet :
 darn zo o skriva, darn zo o lenn,
 darn zo o c'hriat satin gwenn.
 - Ne ket ho merc'hed a lavaran
 ar vinorez peleac'h emañ ?
 - Mar deo ar vinorez a glasket,
 Katel eo ez e hanvet.
 Falla femelen a geret !
 ouz eunn habit d'am merc'hed
 e deuz teir pe beder freuzet
 er c'hoad gant he galanted.
 Iit aze gant ar venoden
 hag en em gafot gant al len
 - bonjour dec'hu, plac'hik ann dour
 c'houi a zavon gwen hag a gann flour
 hag a rafe ganen-me ann amour.
 - ne zaonan gwenn, ne gannann flour
 na ne rinn ganeoc'h hu ann amour.
 - Sellet, plac'hik, oc'h penn va marc'h gwen,
 kaera brid arc'hant zo enn he benn.
 - me ne rann forz euz ho marc'h gwenn
 ken nebeut hag euz ann dour zo el len.
 - Sellet plac'hik, oc'h va c'hentrou
 peger brao eo gantho va boutou.
 List ho tillad ta, plac'hik flour,
 ho kolvez da vont gant ann dour,
 deuit ama ganen er c'hoad
 c'houi a c'hounezo arc'hant mad.
 - Ne lezann va dillad enn abandoun
 ha va golvez da vont gant ann dour
 na ne din ganeoc'h er c'hoad
 na ne c'hounezin arc'hant mad.
 Me meuz eur breurik a bell bro
 /ha/ ma klefe hennez ho komzo
 a lakafe ho koad da redek
 - Mar hoc'h euz eur breurik a bell bro
 p'her gwelot c'houi en anavezo.
 - Kaout a ra din pa her gwelinn

heb mar hen anavezin
- Me eo ho preurik a bell bro
zo deuet ama d'hoc'h apro°
Da zegas deoc'h hoc'h argoulou.
Kant mill malloz dar lesvammou
a ro d'an dud gwall aliou.

° = amprou, amprouiñ

vvvvvv